

Informacije a pšizjawjenje za wobželenje na fakultatiwnej wucbje serbšćiny

Cesćone starješe / k zastaranju wobpšawnjone,

Serbska rěc – coolna wěc. Pód tym motom stoj wucba serbšćiny pla nas w Picnju.

Ale za co?

Wobželenje na fakultatiwnej wucbje serbšćiny zmóžnja našym wuknicam a wuknikam w starstwoju wótpowědnem a pšijaznem wobsweše našu serbsku rěc rano w žywenju a z tym pó wólažconej wašni wuknuš. Pši tom stoje w srjejžišću: graše, špos, dyrdakojstwo!

Njeglědajucy na to, až rana dwójorěčnosť powšykne spěchujo intelektuelnu wugbałosć a pšiwuknjenje dalšnych rěcow, stoje pšedewšym interkulturelne kompetence w srjejžišću. Lěc ptaškowa swajžba, mólowanje jatšownych jajow, rejowanje, spiwanje abo zapšimujuce lužyske powěsći, dajo wjele k nadejženju. Pšipódlu wuknu žiši pši tom kulturelne wopšimješa a wóni wuwiju wótwórjonosć a tolerancu napšešiwo kulturam.

A organizatoriski?

Na Mosaikowej zakładnej šuli w Picnju se pódawa serbšćina ako druga rěc wót 1. šulskego lěta. Toš ta wucba jo fakultatiwna, pótakem dobrowólne póbitowanje. Jo wjelgin w našom zajmje, až se pó móžnosći wjele žowćow a gólcow wopóznajo z rěcu, serbskimi nałogami, powěsćami a bajkami. Togodla naražijomy, až Wašo góle se na probu až do nazymskich proznow šulskego lěta 2025/26 wobžěljo na serbskej wucbje a Wy pótom gromaže z Wašym gólešim wó dalšne wobželenje rozsuzijošo. **Gaž smy wubužili waš zajm, wótedajšo pšosym toš to pšizjawjenje nejpózdžej do 04.07.2025 (cas) w sekretariaše.**

Glědajšo pšosym na to, až pó probowem casu (až do nazymskich proznow; plaši jano za 1. lětnik!) zakóńcenje serbskeje wucby jo pšecej jano ku kóńcoju šulskego lěta (pó § 2 wótstawk 2 SWSchulV) pisnje pšez šulske wjednistwo móžne. Góžinowy zawězk w jadnotliwych lětnikach wótwisuju wót kontingenta góžinow kraja Bramborska pó pšiložku 1 póstajenja za zakładne šule (Grundschulverordnung).

	lětnik 1	lětnik 2	lětnik 3	lětnik 4	lětnik 5	lětnik 6
serbšćina kuždy tyžeń	2 góž.	2 góž.	3 góž.	3 góž.	3 góž.	3 góž.

Na zasejwiženje. My se wjaselimy na rědny cas w serbšćinje z Wašymi žišimi.

Pšizjawjenje za wobželenje na fakultatiwnej wucbje serbšćiny

mě: _____ pšedmě: _____ rědownja: _____

wobžěljo se wót šulskego lěta 2025/26 na fakultatiwnej wucbje serbšćiny. Wó casach za zakóńcenje smy informěrowane/ som informěrowana/y.

_____, dnja _____
městno datum

.....
pódpismo/a starješeju / k zastaranju wobpšawnjoneje/ego